



საქართველოს მთავრობის განკარგულება

№1798 2016 წლის 7 სექტემბერი ქ. თბილისი

საქართველოს რეგიონული განვითარებისა და ინფრასტრუქტურის
სამინისტროსათვის საქართველოს რეგიონებში განსახორციელებელი
პროექტების ფონდიდან თანხის გამოყოფის შესახებ

1. ცნობად იქნეს მიღებული, რომ დევნილი ოჯახების გრძელვადიანი განსახლების უზრუნველყოფის მიზნით, ქ. ქუთაისში, შერვაშიძის ქ. №53-ში არსებულ მიწის ნაკვეთზე, საქართველოს ოკუპირებული ტერიტორიებიდან იძულებით გადაადგილებულ პირთა, განსახლებისა და ლტოლვილთა სამინისტროს მიერ მიმდინარეობს საცხოვრებელი კორპუსების მშენებლობის სამუშაოები და აღნიშნული პროექტის ფარგლებში საპროექტო დოკუმენტაციით გათვალისწინებულია წყალარინების ქსელის მოწყობა (წითელ ხაზებში).

2. ამ განკარგულების პირველი პუნქტით გათვალისწინებული პროექტიდან გამომდინარე, წითელ ხაზებს გარეთ ჩამდინარე წყლების ქსელის მოწყობის სამუშაოების დაფინანსების მიზნით, საქართველოს ფინანსთა სამინისტრომ საქართველოს რეგიონული განვითარებისა და ინფრასტრუქტურის სამინისტროს, „საქართველოს 2016 წლის სახელმწიფო ბიუჯეტის შესახებ“ საქართველოს კანონით გათვალისწინებული

საქართველოს რეგიონული
განვითარებისა და ინფრასტრუქტურის
სამინისტრო
480901 1329 216
სურველი

საქართველოს რეგიონებში განსახორციელებელი პროექტების ფონდიდან, გამოუყოს 300 000 (სამასი ათასი) ლარი, შპს „საქართველოს გაერთიანებული წყალმომარაგების კომპანიის“ კაპიტალის გასაზრდელად.

3. შპს „საქართველოს გაერთიანებული წყალმომარაგების კომპანიამ“, ამ განკარგულების მე-2 პუნქტის საფუძველზე, უზრუნველყოს საქართველოს რეგიონული განვითარებისა და ინფრასტრუქტურის სამინისტროსათვის ინფორმაციის მიწოდება გადარიცხული თანხის ხარჯვის თაობაზე ან სამინისტროს მოთხოვნის შესაბამისად.

4. „სახელმწიფო შესყიდვების შესახებ“ საქართველოს კანონის 10¹ მუხლის 3¹ პუნქტის შესაბამისად, სახელმწიფოებრივი და საზოგადოებრივი მნიშვნელობის ღონისძიებების შეზღუდულ ვადებში შეუფერხებლად ჩატარების მიზნით, მიეცეს უფლება შპს „საქართველოს გაერთიანებული წყალმომარაგების კომპანიას“, ამ განკარგულების მე-2 პუნქტით გათვალისწინებული სამუშაოების სახელმწიფო შესყიდვები განახორციელოს გამარტივებული ელექტრონული ტენდერის მეშვეობით.

პრემიერ-მინისტრი



გიორგი კვირიკაშვილი